



Synfocity = 349

mail us at : synfo@bsnl.in; synfo@yahoo.com - Phone - 2314648

14th July, 2011

❑ **Obituary : Vanlalhruaia Chinzah (Ahruaia)**

Tv. Vanlalhruaia (kum 33), Synod Information & Publicity (Synfo) hnuuia Recording Assistant chu July 9 (Inrinni) zing dar 4:30 khan Presbyterian Hospital, Durtlangah Cancer natnain a thi.

Vanlalhruaia Chinzah (Ahruaia) hi Pu J.N. Thangkima leh Pi Malsawmi te fa 6 zinga naupang ber niin April 16, 1978 khan Lunglei Civil Hospital-ah a lo piang a, an unau hi mipa 5 leh hmeichhia 1 an ni.

Ahruaia hian zirna lamah HSLC thleng a zo a, Sunday School Zirtirtu, Chawhnu Naupang Inkhawm Zirtirtu, Kohhran Zaipawl-ah leh Lunglei Chanmari Pastor Bial Zaipawl Member-te pawh a lo ni tawh thin a ni. Kum 1997 khan Pathian faka rawngbawl nan 'The Boanergea' an din a, hetah hian chanvo pawimawh tak a chelh bawk a ni.

Kum 1998 khan Aizawl lamah pheiiin Computer a zir a, hna eng eng emaw a thawh kual hnuah kum 2002 atang khan Synod Information & Publicity Department-ah Computer Operator (Daily Basis) in a thawk tan a, Contract basis-a a thawh leh hnuah nikum (2010) November thla khan Recording Assistant-ah dah ngheh a lo ni ta a ni.

July 9 (Inrinni) zing dar 9 khan Mission Veng-a an chenna inah a ruang thlahna hun hman a ni a. Rev. Lazuithanga hun a kaihuia a, Pu J.N. Thangkima f/o Vanlalhruaia Chinzah in chhungkaw aiawhin thu a sawi a, Upa Zonunmawia, Co-ordinator, Synod Information & Publicity Department (Synfo)-in Department aiawhin thu a sawi bawk. Mission Veng Bialtu Pastor, Rev. H. Lalrinmawian thlahna thuchah a sawi zawhah Rev. Vanlalzuata, Senior Executive Secretary-in Malsawmnain hun a khar a ni.

Ahruaia ruang thlahna hun hmangtu hi an thahnem hle a, inchhung leh a bul kawng vel zawng zawngah mi an khat tlata ni. Synod hotute leh thawktute, thenrual tha leh amah lainattu thahnem tak an tel a; Mission Veng YMA South Branch te'n kuang mawi tak siamsakin thil tul zawng zawng an buaipui bawk.

July 10 (Pathianni) chhun dar 12:00 khan an inpui, Chanmari Veng, Lungleiah Ahruaia vuina inkhawm neih a ni a, Rev. Zosangliana Colney, Executive Secretary-in a vui a ni. Synod Office aiawhin Upa Zonunmawia, Co-ordinator, Synfo-in thu a sawi a, chhungkaw aiawhin Ahruaia pa, Pu J.N. Thangkiman thu a sawi hnuah Rev. Dr. C. Chawngmingliana, Administrative Secretary, Chhim Area-in Malsawmnain hun a khar a ni.

❑ **Zin**

July 13 & 14 hian PCI Executive Committee Meeting, Shillong-ah neih mek a ni a, Mizoram Synod aiawhin Rev. Zosangliana Colney, Executive Secretary; Rev. Dr. Lalhmangaiha, Finance Officer; Rev. C. Rosiama, Committee Member; Rev. Lalchhanhima, Kanan; Rev. B. Sangthanga, Committee Member leh Upa Dr. Lianzela, Committee Member te an kal.

❑ **Residential Choir Conductors' Training vawi 16-na**

Nizan (July 12) khan Synod Music Committee buatsaih Residential Choir Conductors' Training vawi 16-na, Synod Conference Centre, Mission Veng-ah neih a ni a, Rev. Lazuithanga, Executive Secretary-in kaihuia in Pathian hnenah a hlan. Training hian July 16 (Inrinni) zing thleng a awng.

Upa Lalhmangmawia, Music Coordinator-in Introduction leh inlawmna thu a sawi a, Rev. Lazuithanga, Executive Secretary-in Training hi Pathian hnenah a hlan a ni.

Training-ah hian Bial hrang hrang (Chawngtlai, Cachar Kahrawt, Guwahati Ramthar, Ngopa, Manikbond, Ramthar Veng, Sairang Dinthar, Serchhip, Shillong, Silchar Mizo, Tlabung Chawnpui, Tuipuibari Centre, Vathuampui, Zaite, Zawlpui & Zobawk) atangin Kohhran tin aiawh mi pakhat zel tel tura sawm an ni a, mi 31 an lo tel thei a ni.

Tun tumah hian Upa H. Lalhmangmawia, Upa Lalhansiamia Tochwawng, Pu Lalromawia, Pu H. Lalrinmawia, Pu Benjamin Sailo leh Tv. H. Lalthazuala ten Music leh a kaihnawih thil pawimawh hrang hrangte zirtirna an pe ang.

July 15 (Zirtawpni) zan dar 6:30 hian Training kharna inkhawm, Synod Conference Centre, Mission Vengah neih a ni ang a, Rev. Lazuithanga, Executive Secretary i/c Music in programme kaihuia in Synod Moderator Rev. C. Lalsanglianan training chhuakte hnenah Certificate a hlan ang. *Programme kimchang phek lehlamah tarlan a ni.*

❑ **Presbyterian School lawmman semna**

July 8 chawhnu khan J.M. Lloyd Hall-ah HSLC Result, 2011-a Presbyterian English School tithate hnenah lawmman semna programme neih a ni a, Synod Moderator Rev. C. Lalsangliana chu khuallian a ni. He inkhawm hi Rev. Zosangliana Colney, Executive Secretary-in a kaihuia a, Pathian hnenah inhlanna leh inlawmna hun a hmang nghal a. Republic Presbyterian English School & Zemabawk Presbyterian English School zirlaiten Worship Dance an entir a, Nancy Zothanmawii a zai bawk. Rev. Mangchhuana Sailo, Supervisor, Presbyterian School-in Report a pe a, Khuallian Rev. C. Lalsanglianan lawmman semin thuchah a sawi bawk. Pu Rozama Chawngthu, Secretary, Synod Education Board-in lawmthu sawina hun a hmang a, khuallian Rev. C. Lalsanglianan Malsawmnain programme a khar a ni.

Tunah hian HSLC Result nei thei School pali chauh an la awm a, hetiang hian lawmman hlan an ni :

1. Zotlang, Champhai PES	Rs. 15,000
2. Keifang PES	Rs. 12,000
3. Khawzawl Vengthar PES	Rs. 10,000
4. Darlawn PES	Rs. 5,000

Presbyterian English School-te hi a neitu tak chu a dintu Tualchung Kohhrante an ni a, school din phalna hi Synod Education Board-ah dilin Synod Executive Committee (SEC)-in a pe a ni. School Education Board-in an dinmun a hriatpui zel theih nan kum khatah vawi hnih zel Report an pek a ngai a ni. Synod hian School Building sakna turin Grant a pe thin a, Rs. 5,00,000/- / Rs. 4,00,000/- te a pe thin a ni. Hemi bakah hian Adhoc Grant/Lumpsum Grant pawh a pe thin bawk.

❑ **Social Front**

Vawiin (July 14) hian Champhai Vengthlang Kohhranah Champhai khawpui chungah Kohhran hrang hrang, Tlawmngai Pawl te, Political Party te leh khawtlanga mi pawimawh thenkhat te tan Land Reforms Seminar buatsaih a ni a, seminar neihpui tur hian Rev. Lazuithanga, Executive Secretary; Dr. Robert S. Halliday, Social Front Coordinator leh Tv. Jacob Vanlaldinsanga, Social Front Campaigner te an kal.

Contd...

- ☐ **Kohhran Hmeichhia**

 - ♦ July 16 (Inrinni) hian Mission Vengthlang Kohhranah Leadership Training neih a ni dawn a, training neihpui tur hian Central Kohhran Hmeichhe hruaitu, Pi Khawlvuani, Vice Chairman; Pi Lalchawimawii, Committee Member leh Pi Rosangpuii, Committee Member te an kal ang.
 - ♦ July 16 & 17 hian Central Kohhran Hmeichhia leh Lairam Isua Krista Baptist Kohhran Hmeichhe Pawl (LIKBKHP) ten Lawngtlaiah Intlawhtawn programme an hman dawn a, he programme hman tur hian Central Kohhran Hmeichhe hruaitu, Pi Laltnamawii, Chairman; Pi H. Lalpianthangi, General Secretary; Pi Lalsawmliani, Treasurer leh Pi C. Lalneihthangi, Committee Member-te an kal ang.
- ☐ **MSSU**

July 16 (Inrinni) hian Luangmual Kohhranah Sunday School Zirtirtu Training neih a ni dawn a, training neihpui tur hian Upa Lalrintluanga, Mission Vengthlang; Upa Hrilthansanga, Mission Vengthlang (MSSU Trainers) leh Pu Lalthahluna Ralte, MSSU Asst. Coordinator te an kal ang. Zan Inkhawmah Bial chung Kohhran hrang hrangah insem darhin 'Fanau enkawl chungchang' tih thupui hmangin hun an hman baw ang.
- ☐ **Masihi Sangati**

July 16 (Inrinni) chawhnu dar 1 hian Chawlhmun Masihi Sangati member, Nepali nupa tuak 6 ten Chawlhmun Kohhran Hall-ah Kristian Danin a rualin an in nei tha dawn a, Rev. S.B. Gurung, Pastor i/c Aizawl East Masihi Sangati-in a inkutsuih tir ang.
- ☐ **Susamachar Prasaran Programme**

July 17 (Pathianni) tlaiah Hindi Programme (Susamachar Prasaran) LPS & Zonet Cable atangin hetiang hian tih chhuah a ni ang :

Group/Choir/Solo	:	Vaivakawn Masihi Sangati - Milke Chale
Group/Choir/Solo	:	Chawlhmun Masihi Sangati - Tu Pyar Kya
<i>Sermon</i>	:	Zohmingthanga - Prabhu Yeshu Hamare Vishram Sthal
Group/Choir/Solo	:	Govt Complex Kohhran - Syon Desh
Group/Choir/Solo	:	Champhai Bethel Pastor Bial - Hosenna
<i>Stuti Geet</i>	:	Khul Jayegi Kitabe
- ☐ **Moderator Programme**

Synod Moderator Rev. C. Lalsangliana chuan kar tawpah hetiang hian hun a hman ang :

 - ♦ July 16 (Inrinni) Zan : Centenary Kohhran
 - ♦ July 17 (Pathianni) : Bawngkawn Bial

PATHIAN THU ZIR DUH TAN

Presbyterian Bible School, Mission Veng, Aizawl-ah Session 23-na atan Certificate in Theology (C.Th) Admission hawn a ni a. Dil duhte tan Office hun chungin Application Form Rs. 10/- a lei theih a ni.

- ☪ **Dil hun chung** : September 5, 2011 (Thawhtanni) tlai dar 3:00 thlang
- ☪ **Dil thei chin** : Class VII passed, kum 16 chin, Kohhran dan chung a awm
- ☪ **Interview** : September 6, 2011 (Thawhlehi) zing dar 10:00
- ☪ **Class tan hun** : September 7, 2011 (Nilaini)
- ☪ **Zir hun chung** : September - December, 2011
- ☪ **Stipend** : Zirlai pakhat hnenah thla tin Rs. 300/- pek a ni. Hostel a awm lo.

Hrechiang duh tan Phone No. 2317343/9436352792-ah zawh theih a ni.

Rev. V. Lawmkima,
Principal

16th RESIDENTIAL CHOIR CONDUCTORS' TRAINING CLOSING FUNCTION

A hmun : Synod Conference Centre
A hun : July 15, 2011 (Zirtawpni)
6:30 p.m. - 8:00 p.m.

Chairman	:	Rev. Lalzuithanga, Executive Secretary i/c Music
Hunserh	:	Chairman
Zaiho	:	'Hriat chianna hlu ber, Isua ka ta' (KHB No. 415)
Report & Lawmthu sawi	:	Upa Lalhmingmawia, Co-ordinator, Music
Solo	:	Dr. Shirley Lalbiakzuali Chhangte
Certificate hlan & Thusawi	:	Rev. C. Lalsangliana, Synod Moderator
Solo	:	Dr. Shirley Lalbiakzuali Chhangte
Thusawi	:	Trainees aiawh
Zaiho	:	'Kan inmhuh, kan intawh leh hma...' (KHB No. 572)
Malsawmna	:	

